



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-14-16122-1/19
Sarajevo, 24.07.2019. godine

Na osnovu člana 6. stav 2. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12-Ispravka, 37/13 i 16/14), člana 12. stav 2. Pravilnika o kriterijima za finansiranje/sufinansiranje programa i projekata neprofitnih organizacija i udruženja („Službene novine Kantona Sarajevo“, broj 17/14) i člana 22. Zakona o izvršavanju Budžeta Kantona Sarajevo za 2019. godinu („Službene novine Kantona Sarajevo“, broj 9/19), te Javnog poziva broj: 06-14-2953-1/19 od 08.02.2019. godine, ministar za boračka pitanja donosi slijedeću

ODLUKU

o odobravanju sredstava za finansiranje/sufinansiranje programa i projekata od interesa za boračku populaciju Kantona Sarajevo za 2019. godinu

1. Odobravaju se **Udruženju generala Bosne i Hercegovine** (u daljnjem tekstu: Udruženje) sredstva u ukupnom iznosu od 5.000,00 KM, za finansiranje/sufinansiranje projekta:

Naziv projekta	Odobreni iznos
1. Aktivnosti i rad Udruženja generala BiH	5.000,00

2. Sredstva iz tačke 1. ove odluke terete poziciju Ministarstva za boračka pitanja Kantona Sarajevo, razdjel 13, glava 01, potrošačka jedinica 0001, ekonomski kod 614300, subanalitika DAN027 „Udruženja građana - boračka udruženja finansiranje/sufinansiranje programa i projekata“ i uplatiće se na račun Udruženja.
3. Sredstva iz tačke 1. odluke se doznačavaju nakon potpisivanja ugovora o namjenskom utrošku sredstava i Udruženje ih je dužno utrošiti u skladu sa ovom Odlukom, potpisanim ugovorom, te u skladu sa važećim zakonskim propisima.
4. Udruženje je dužno odobrena sredstva po projektu iskoristiti u omjeru utvrđenom od strane Ministarstva finansija Kantona Sarajevo u Obrascu narativnog i finansijskog izvještaja i to:
a) maksimalno do 30% odobrenih sredstava za administrativne troškove,
b) minimalno 70% odobrenih sredstava za projektne aktivnosti.
5. Udruženje je obavezno nakon realizacije odobrenog projekata, a najkasnije u roku od 15 dana, Ministarstvu za boračka pitanja dostaviti izvještaj o namjenskom utrošku sredstava za svaki pojedinačni projekat. U skladu sa Obrascem narativnog i finansijskog izvještaja isti treba sadržavati tekstualno obrazloženje provedenih projektnih aktivnosti sa vremenskim prikazom realizacije pojedinih aktivnosti i licima direktno uključenim u realizaciju



aktivnosti, tabelarni pregled rashoda koji se odnose na direktne troškove i tabelarni pregled rashoda koji se odnose na administrativne troškove. U prilogu izvještaja o namjenskom utrošku sredstava, u skladu sa finansijskim izvještajem, Udruženje je dužno dostaviti odgovarajuću dokumentaciju, prema tabelarnom pregledu rashoda, odvojenu i označenu po budžetskim stavkama (kopije odluka nadležnog organa o odobravanju isplata, kopije svih računa u iznosu sredstava dobijenih od Ministarstva, kopije naloga za plaćanje, kod aktivnosti koje se odnose na krajnje korisnike obavezno dostaviti i potpisane spiskove korisnika).

6. Nadzor nad utroškom doznačenih sredstava iz tačke 1. dispozitiva ove Odluke će kontinuirano vršiti Ministarstvo za boračka pitanja.

Obrazloženje:

Na osnovu objavljenog Javnog poziva za finansiranje/sufinansiranje programa i projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo za 2019. godinu Udruženje generala Bosne i Hercegovine je dana 08.04.2019. godine dostavilo zahtjev broj: 06-14-16122/19 sa projektom - Aktivnosti i rad Udruženja generala BiH na iznos od 33.600,00 KM. Javni poziv za finansiranje/sufinansiranje programa i projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo za 2019. godinu objavljen je 12.02.2019. godine i bio je otvoren do 01.03.2019. godine za podnošenje zahtjeva po istom. Zahtjev Udruženja generala Bosne i Hercegovine dostavljen je Ministarstvu dana 08.04.2019. godine tj. nakon isteka roka za podnošenje aplikacija. Dana 15.04.2019. godine Udruženje je dopunilo aplikaciju dostavljanjem Izvoda iz Registra broj: UP09-07-1-795/19. od 10.04.2019. godine.

Javnim pozivom za finansiranje/sufinansiranje programa i projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo za 2019. godinu broj: 06-14-16122/19 od 08.02.2019. godine, koji je ranije proveden, predviđena je mogućnost da se uz saglasnost ministra u razmatranje u toku godine mogu uzeti i pojedini opravdani zahtjevi predati van roka Javnog poziva (tačka 12). Predstavnici Udruženja su u usmenom razgovoru sa ministrom zamolili da im se odobre sredstva za realizaciju apliciranog projekta. U obrazloženju projekta navedeno je, između ostalog da se realizacijom istog planira obilježavanje značajnih datuma, događaja i ličnosti.

Uzimajući u obzir prethodno navedeno, ministar se očitovao sa iznosom iz tačke 1. dispozitiva, te je po nalogu ministra izrađena predmetna odluka.

Kako su za ovu namjenu odobrena sredstva u Budžetu Kantona Sarajevo za 2019. godinu, odlučeno je da se prihvati projekat sa iznosom navedenim u tački 1. dispozitiva Odluke.



Dostaviti:

1. Udruženju generala Bosne i Hercegovine
Ul. Zelenih beretki br.2,
2. Sektor za ekonomske poslove,
3. A/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1

